




Botlalehi nakong ya ho kwalwa

African Storybook

Khanyisa Masemola





Sena ke setudiyo sa seyalemoya sa RX se *Red Cross Children's Hospital* Motse Kapa.

RX ke seteishene sa seyalemoya se laolwang ke bana mme se hasetsa bana. Hangata ba hasa setudiyong se sepetelele.

Ka nako ya ho kwalwa ha naha, setudiyo se ile sa kwalwa.




Enwa ke Akhona. Ke moqolotsi wa seyalemoya sa RX.

Ha naha e ne kwetswe Akhona ha a ya kgona ho hatisa lenaneo la hae setudiyong.

Lenaneong la hae Akhona o puisano batho ka dintho tse ba amang.

O ne a batla ho tlaleha ka boiphihlelo ba setjhaba sa habo mabapi le ho kwalwa ha naha.



Ka baka la ho kwalwa ha naha, Akhona ha a ya kgona ho botsa batho ka sego.

O ile a kopa batho ho mo romella melaetsa ya lentswe ka mohala wa thekeng.

Yaba Akhona o hatisa lenaneo la hae a le hae a sebedisa mohala wa thekeng.


Ena ke emeng ya melaetsa eo a e fumaneng.



Molaetsa wa titjhere Thuli:

“Ke hopotse baithuti ba ka haholo. Ke entse sehlopha sa *WhatsApp* le batswadi moo ke ba romellang mosebetsi.

Bothata ke hore ke ruta sebakeng sa batho ba futsanehileng, mme ha se batswadi bohle ba kgonang ho fihlella inthanete. Ke phephetso e kgolo.”



Molaetsa wa Riaz:

“Ke kgathetsehile ka tsa bophelo ba ka bo botle.
Hangata, batho ba qhwadileng ba fokollwa ke masole
a mmele.

Jwaloka motho ya sebedisang setulo se tsamayang, ha
ke kgone ho hlatswa matsoho a ka gafetsa, empa ba
lелаpa la ka ba ya nthusa haholo.

Ba etsa bonnete ba ho re ke na le sanithaisa ya
matsoho.”



Molaetsa wa Khethiwe:

“Lelapa leso le leholo haholo, mme re na le basebetsi ba bohlokwa, empa ha ba dule le rona hajwale.

Ha re phetse ho rapella polokeho ya bona le ya rona.”



Molaetsa wa nkgono Gabbie:

“Ha ke titjhere, empa jwale ke tshwanela ho ruta bana ba babedi lapeng. Bobedi ba bona bo hloka tlhokomelo e tshwanang.


Ka hoo kगतello ya maikutlo e kgolo lapeng. Ka lehlohonolo la moteaphala re na le *WiFi* e se nang moedi.”



Molaetsa wa Buhle:

“Nna ho kwalwa ha ho a nkama haholo hobane ke ntse ke le hae nako tsohle. Ke tswa feela ha ke ya sekolong le kerekeng.


Ho kwalwa ha naha ho nkame feela ka hore moya o hlwekileng ha ke o fumane ntle le ka jareteng.”



Molaetsa wa Lwazi:

"Bothata bo boholo bo ho nna e bile sekolo. Ke ne ke tlwaetse ho rutwa ke titjhere ka pela ka.

Ho thata ho mamela mohala kapa ho sheba vidiyo ya titjhere."



Akhona o kgetha melaetsa e meng eo a ka e sebedisang lenaneong la hae, ebe o hatisa lenaneo la hae.

“Dumelang, ke nna Akhona, ke hatisa ke le kamoreng ya ka. Boleng ba modumo bo ka nna ba se be botle.

Kajeno re tla utlwa ka moo batswadi, matitjhere le bana ba sebetanang ka teng bakeng sa ho kwalwa ha naha...”

—Dipotso

1. Ngola ditlhaloso tsa mantswe a latelang: bofutsana, *immune system*, ho se lekanyetswe.
2. Ke phephetso efe eo titjhere Thuli a bileng le yona?
3. Hobaneng ha Riaz a kgathatsehile ka tsa bophelo bo botle ba hae?
4. Hobaneng ha nkgono Gabbie a ne a ena le kgatello ya maikutlo?
5. Ke keletso efe eo o ka efang titjhere Thuli, Riaz le nkgono Gabbie?
6. Fuputsa mekgwa e mehlano ka moo *Red Cross Society* e re sapotang ka teng.
7. Lelapa leno le ka o (tshehetsa) sapota jwang ka mosebetsi wa sekolo?
8. Hlalosa melemo e mmedi ya ho rutwa ke tithjere e eme ka pele ho wena.

Pale ena e theilwe dirapotong tsa radiyo ya RX.
Radio ena ke ya inthanete ya bana.

Radiyo RX e haswa ho tswa Red Cross War
Memorial Children's Hospital Motseng wa
Kapa.

RX e thusa bana ho bua dipale ka ditaba tse ba
amang tse bohlokwa ho bona.

[Ketelo seyalemoyeng sa RX](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Botlalehi nakong ya ho kwalwa

Author/s: African Storybook

Translator/s: Maria Vaz

Illustrator/s: Khanyisa Masemola

Assurer/s: Nthabiseng Tsatsi, Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

